

Առաւօտուն երբ լուսանայ. իւր ժամաւեղն է մէյխանայ.

Մինչ ի կէս օր չորս հինգ օխա. զեխի ապա ի տուն դառնայ.

Հանդերձ անձին պատառոտուն. ընդ լուսաւոր առակի մեծ իմաստնոյն.

Քան գսանդի տոռն մերկագոյն. չըջի ընդ վայր զինչ սոված շուն.

Անպէտ մշակ չար ոստիկան. գայգի տիրուն աւարար խոպան.

Անասնակոխ և անդարման. ինքն է դիւաց բնակարան.

Ունի և այլ բազում չարեր. որ իսկի մարդ գայն չէ արեր.

Հասցէ իւրեանքն չար օրեր. և զկայենին առցէ երեր:

Քան գայտ աւելն այլ ինչ օգնւտ. երբ նա անզեղջ է զերդ ջնուրդ.

Ոչ հայ ոչ թուրք և ոչ մուհնուտ. զինքն ծածկէ քարէ կարկուտ.

Ձոր ինչ իմովս աչօք տեսի. զբաներն ունայն չար իրիցի.

Ձօրին բազմաց ձեզ զրեցի. ես մարտիրոս վարդապետ զրիմեցի:

Հոս կու տամ այն հատուկտոր տեղեկութիւններս զոր կրցած եմ հաւաքել Սոփիայի Հայ գաղութին մասին: 1549ին Սուլթան Սիւլէյմանի օրով Երեւանի Շոտոթ գիւղէն բազմաթիւ Հայեր հոս կը գաղթեն: 1650ին Ապրօ Զէլէպի կը շինէ եկեղեցի մը: Իմ ձեռագիրներու հաւաքածոյիս մէջ ունիմ երկու հայերէն ձեռագիրներ զորում Սոփիա: Մին Շարակնոց մ'է նօտրդիր որուն մէջ կայ սա յիշատակարանները: «Յիշատակ է այս աստուածաշունչ տառս մահդասի աստուածատուրին հոգոյն և ծնողացն. սարգիսին. նանի փաշին. և եղբարցն. և զւերն. և ամենայն արեան մերձաւորացն ի քաղաքն Սոփիայ. ի դուռն սր. աստուածածնայ. թվին ո. դ. բ. (1643) օգոստոս ամսոյ ա. »: Հոս չմոռնամ աւելցնել որ Սոփիա ունի երկու եկեղեցի իւրարու կից և գետնափոր. անտարակոյս ձեռագրիս մէջ յիշուած Ս. Աստուածածնայ այս եկեղեցին հնագոյնն է և հաւանական որ Ապրօ Զէլէպի ոչ թէ շինած այլ 1650ին նորո-

գած ըլլայ 1643ին արդէն գոյութիւն ունեցող այդ եկեղեցին: Ձեռագրիս յաջորդ յիշատակարաններն են. «Ես շուտութեցի կովէրքի որդի մխիթարըս զիւրեցի խնդրեմք ձեզանէ եխբարը ովոր յանդիպի մէկ պեւրան և ծնողացըս իմ ողորմի այսէք վարցըն բրիստոս դուէ առնի թվն յայհոց ո ճ հ զ ին (1727) յունիվարին ամսանըն դ. (4)ին ամէն»: Թէև կան ուրիշ յիշատակարաններ ալ բայց ոչ կարեւոր: Յիշատակարաններէն ոչ մին իր գրչէն է: միայն տեղ մը իր գրչէն ունի «Անտօն կրօնաւոր յիշեցէք»: Կրնայ ըլլալ նաեւ որ ձեռագիրս հոս բերուած ըլլայ: Իսկ յաջորդ ձեռագիրն է փոքրիկ տաղարան մը որուն մէջ իր գրչէն կայ. «Ես յովանէսի որդի եսաւըս զրեցի էս տետրըս թիվին ո ճ խ բ (1693) յուլիսի ամսոյն ժ.ին եղեւ սաւփեալ»: Հոս յիշուած Յովհաննէսը գուցէ Մարտիրոս Ղրիմեցոյ յիշած Սոփիայի Յունան երէցն ըլլայ. թէև այս մասին հաստատուն պատճառ մը չկայ բաց ի ժամանակի համապատասխանութենէն: Մարտիրոս Ղրիմցի Սոփիա գտնուած է 1673-1674ին միջեւ ատեն մը, և հոն կեցած շաբաթ մը. հաւանաբար 1673ին. քանի որ այդ ատեն Սուլթան Մուրատ Լեհաստանի վրայ կատարած արշաւանքին պատճառաւ երկիրը՝ այսինքն Սոփիա և իր շրջակայքը՝ կը գտնուէին ճամբուն վրայ և հեծեալ բանակը ողողած էր այս կողմերը ինչպէս որ Ղրիմցի ալ կը վկայէ:

Սոփիայի եկեղեցին գետնափոր է և աւանդութեան համաձայն գետնափոր են ըրած որպէս զի չերքէզ և ուրիշ այլազգիներ, որոնք եկեղեցի պղծելը սովորութիւն են ըրած եղեր, չպղծեն այս եկեղեցին իրենց ջորիները հոն մտցնելով: 1883էն առաջ եկեղեցին կ'այրի. 1883ին Հայը նոր փայտաշէն եկեղեցի մը կը շինեն հոն: 1883էն 1896 հայոց թիւ Հայաստանի մէջ տեղի ունեցած ջարդերուն և հալածանաց պատճառաւ Սոփիայի մէջ կ'աճի և մինչև 250 տուն կը հաշուուի. այսինքն 1250 հոգի. մեծ մասամբ Ա. Պոլսեցի. Կ. Պոլսեցի. վանեցի և Քեմալա-